

214

212

218

miles vel pejores mimis (144 a) et histrionibus, qui in ludis
scenicis saltantes et effigiantes motibus corporis ea, quae in do-
muncula (quae scena dicebatur, et erat in medio theatri) cane-
bantur turpia tam de diis quam hominibus, ut habet Augustinus
de civitate Dei L. 1. C. 32. Cum multis ergo insolentiis diem
hunc sanctissimum omnium Sanctorum Sarraceni peragebant, nos
autem cum multa tristitia propter recentem mortem domini co-
mitis, socii et confratris nostri, et cum decenti maturitate propter
diei sanctitatem et cum sollicitudine propter instantem recessum
nostrum transivimus diem illum.

208

223

203

263

163

Recessus peregrinorum.

313

113

Secunda die, quae est dies Animarum, et erat dominica XXIII
post Trinitatis, mane dictis officiis missas legimus in capella domus,
quibus intererant quidam officiales galeae nostrae et multi galeotae
de classe, a quibus non pauci denarii oblati fuerant in animarum
suffragium. Finitis autem missis hortabantur nos galeae officiales,
ut praesentaremus nos in galeas, quia, qua hora non putaremus,
classis esset recessura. Statim ergo prandium et mensam parari
jussimus, ut refecti recederemus; facto prandio ad computandum
sedimus cum hospite nostro, domino consule, et remansit quilibet
peregrinus ejus debitor in sex ducatis. Milites ergo aperientes
bursas solverunt debitum, ego autem vacuam bursam habens solvere
cum non possem, rogavi dominam hospitam secrete, ut interce-
deret pro me pro remissione partis alicujus, et reliquam partem
mutuo a dominis peregrinis accipere vellem; fuerat enim domina
illa valde benigna ad me diebus, quibus in domo deguimus. Cum
ergo hospes exspectaret solutionem meam, et inciperem eum pro
amore Dei rogare, et hospita diceret, me pauperem, et alii pe-
regrini pro me loquerentur, exacerbatus fuit homo, et cum magna
indignatione repulit me a se, dicens: Roch, Roch, hoc est: re-
cede, recede. Et cum sic recedere verecundarer, annuit mihi
domina nutibus, ut recedarem, quod et feci, et nihil solvi penitus.
Sicque utilior fuit mihi indignatio totum remittentis, quam pietas
partem donantis. Oratione tamen pro homine non minus vel forte
plus obligor, quam si voluntarie donasset, cum etiam Dominus

Ende

Anfang